



Universidad
del País Vasco

Euskal Herriko
Unibertsitatea

ERABAKIA, 2023ko otsailaren 23koa, UPV/EHUren Gobernu Kontseiluak hartutakoa, 2023-2024 ikasturtean UPV/EHUko graduiko ikasketetara sartu eta ikasketetan onartua izateko prozedura onartzeko dena.

Abenduaren 9ko 8/2013 Lege Organikoak, Hezkuntzaren Kalitatea Hobetzekoak (LOMCE), aldatu egin zituen graduiko ikasketa ofizialetan sartu eta horietan onartuak izateko baldintzak batxilergoko titulua edo baliokidea duten ikasleentzat; lanbide heziketako goi mailako teknikariaren titulua, diseinu eta arte plastikoetako goi mailako teknikariaren titulua, edo goi mailako kirol teknikariaren titulua duten ikasleentzat; eta atzerriko hezkuntza sistemetatik datozen ikasleentzat.

2014ko ekainaren 7an argitaratu zen BOEn ekainaren 6ko 412/2014 Errege Dekretua, graduiko unibertsitate ikasketa ofizialetan ikasleak onartzeko prozeduren oinarritzko arautegia ezartzen duena.

Uztailaren 29ko 310/2016 Errege Dekretuak, Derrigorrezko Bigarren Hezkuntzako eta Batxilergoko azken ebaluazioen probaren ezaugarriak arautzen ditu.

Abenduaren 9ko 5/2016 Legegintzako Errege Dekretua, hezkuntzaren kalitatea hobetzeko abenduaren 9ko 8/2013 Lege Organikoa ezartzeko egutegia zabaltzeko premiazko neurriei buruzkoa.

Urtarrilaren 25eko PCM/63/2023 Aginduak, besteak beste, Unibertsitatera Sartzeko Batxilergoaren Ebaluazioaren ezaugarriak, diseinua eta edukia zehazten ditu.

Gainera, Hezkuntzari buruzko maiatzaren 3ko 2/2006 Lege Organikoaren (3/2020 Legea) 38. artikulua idazketa berriarekin bat etorriz, unibertsitateek zehazten dute, hainbat balorazio-irizpideren arabera, unibertsitatera sartzeko titulua lortu duten ikasleak irakaskuntza horietan onartzea.

Horregatik guztiagatik, Graduaren eta Hezkuntza Berrikuntzaren arloko errektoreordearen proposamenez, hona Gobernu Kontseiluak hartutako

ERABAKIA

Bakarra. - Onartzea 2023-2024 ikasturtean UPV/EHUko graduiko ikasketetara sartu eta onartua izateko prozedura, eranskinean jasota dagoen moduan.

Leioa, 2023ko otsailaren 23

Errektorea,
EVA FERREIRA GARCÍA

Idazkari nagusia,
AITOR ZURIMENDI ISLA

ERANSKINA
UPV/EHUKO GRADUKO IKASKETETARA SARTU ETA IKASKETETAN ONARTUA IZATEKO
PROZEDURA

2023-2024 IKASTURTEA

Proposamenak oinarri daukan legedia:

- Abenduaren 9ko 8/2013 Lege Organikoa, Hezkuntzaren kalitatea hobetzekoa.
- Ekainaren 6ko 412/2014 Errege Dekretua, graduco unibertsitate ikasketa ofizialetan ikasleak onartzeko prozeduren oinarritzko arautegia ezartzen duena.
- Uztailaren 29ko 310/2016 Errege Dekretua, Derrigorrezko Bigarren Hezkuntzako eta Batxilergoko azken ebaluazioko probaren ezaugarriak arautzen dituen.
- Hezkuntzaren Kalitatea hobetzeko abenduaren 9ko 5/2016 Legegintzako Errege Dekretua, abenduaren 9ko 8/2013 Lege Organikoa ezartzeko zehaztutako egutegia zabaltzeko premiazko neurriei buruzkoa.
- Urtarrilaren 25eko PCM/63/2023 agindua zehazten dituen 2022-2023 ikasturterako Unibertsitatara Sartzeko Batxilergoaren Ebaluazioaren ezaugarriak, diseinua eta edukia, eta ebaluazioa egiteko eta kalifikazioak berrikusteko prozeduraren epeak.

I. KAPITULUA
UNIBERTSITATERAKO SARBIDEA

1.1. - LOMCE Batxilergo titulua 2023an lortu duten ikasleak

1.1.1. - Hezkuntzako agintariak unibertsitatearekin lankidetzan antolatuko dute Unibertsitatara Sartzeko Ebaluazioa (USE). Ebaluazioak bi fase izango ditu:

1.- Sarbide fasea

Fase hau gainditzea ezinbestekoa izango da unibertsitatara sartzeko.

Fase honetako azterketak Batxilergoko 2. mailan ikasitako enborreko irakasgaiak izango dira, modalitatearen arabekoak. Batxilergoan ikasleak modalitate bi edo gehiago egin baditu, probarako horietako bat aukeratu beharko du.

Euskara eta Literatura II

Gaztelania eta Literatura II

Espainiako Historia

Atzerriko Lehen Hizkuntza II (alemana, frantsesa edo ingelesa).

Beste irakasgai bat gehiago Batxilergoan ikasi eta probarako aukeratu den modalitatearen



Universidad
del País Vasco

Euskal Herriko
Unibertsitatea

arabera:

Zientziak: Matematika II

Giza eta Gizarte Zientziak

– Giza Zientziak bidea: Latina II

– Gizarte Zientziak bidea: Gizarte Zientziei Aplikatutako Matematika II

Arteak: Artearen Oinarriak II

2.- Onarpen fasea

Fase hau borondatezkoa da eta gradu baterako onarpen nota hobetzea dauka helburu. Ikasleak gehienez lau gai aukeratu ahal izango ditu: hautazko enborrekoak izanik



Universidad
del País Vasco

Euskal Herriko
Unibertsitatea

Batxilergoan aukeratutako modalitatekoak ez direnak.

- Alemana
- Arte Eszenikoak
- Artearen Historia
- Artearen Oinarriak II
- Biologia
- Diseinua
- Enpresaren Ekonomia
- Filosofiaren Historia
- Fisika
- Frantsesa
- Geografia
- Geologia
- Gizarte Zientziei Aplikatutako Matematika II
- Grekoa II
- Ikus-entzunezko Kultura II
- Ingelesa
- Kimika
- Latina II
- Marrazketa Teknikoa II
- Matematika II

1.1.2. - USE probetako kalifikazioa

Azterketa bakoitzaren kalifikazioa 0tik 10era bitartekoa izango da.

Sarbide faseko kalifikazioa enborreko bost gai orokorren batez besteko aritmetikoa izango da; kalifikazioa adierazteko era: 0tik 10era bitarteko eskalan hiru dezimalekin, milarenera biribilduta. Gutxien dela 4 puntu lortu behar dira.

Unibertsitaterako sarrera nota era honetara zehaztuko da:

$$USN = 0,4 \times SFK + 0,6 \times BBBN$$

SFK: Sarbide faseko kalifikazioa; BBBN: Batxilergoko batez besteko nota.

Gutxien dela 5 puntu lortu behar dira.

Gradu batean onartua izateko nota era honetara zehaztuko da:

$$GON = USN + C_1 \times M_1 + C_2 \times M_2 + C_3 \times M_3$$

C_1 , C_2 eta C_3 : haztapen koefizienteak; M_1 , M_2 eta M_3 : gaingidutako irakasgaien kalifikazioak, UPV/EHUK bere ikasketetan onartua izateko ezarritako irizpideei jarraituz.

1.1.3. - USErako datak

Ohiko deialdia: ekainaren 7an, 8an eta 9an.

Ezohiko deialdia: uztailaren 5ean, 6an eta 7an.

1.1.4. - Probetako hizkuntza

Hizkuntza koofizialetako edozeinetan egin ahal izango da.

1.1.5. - Azterketa berrikusteko prozedura

1. - Azterketa berrikusteko eskaria eginez gero, berrikuspena lehenengo zuzenketa egin ez duen zuzentzaile batek egingo du.

2. - Lehenengo eta behin, egiaztatuko du nota kalkulatzeko ez dela errakuntzarik egin eta galdera guztiak zuzendu eta kalifikatu direla.

3. - Errakuntzarik ez badago, azterketa zuzenduko du. Kalifikazioa lehenengo kalifikazioaren eta bigarrenaren arteko batez besteko aritmetikoa izango da. Lehenengo eta bigarren zuzenketaren arteko aldea bi puntutik gorakoa bada, hirugarren zuzenketa egingo da ofizioz, aurreko zuzenketak egin dituen ez den zuzentzaile baten aldetik. Azken kalifikazioa hiru kalifikazioen arteko batez besteko aritmetikoa izango da.

4. - Errakuntzarik badago, zuzendu egingo ditu eta, ondoren, errakuntzarik ez daukan parte zuzenduko du. Azken nota honakoa izango da: errakuntzarik izan duen partean lehenengo eta bigarren zuzenketan lortutako kalifikazioen batez bestekoa, gehi errakuntzak zuzentzean lortutako puntuazioa.

5. - Berrikusketa denez, behin betiko nota hasiera bateko nota baino txikiagoa edo handiagoa izan daiteke, edo berdina. Eta, hain zuzen ere, errakuntzak zuzentzean litekeena da nota okerragoa lortzea.

6. - Epaimahaiak behin betiko nota jasotzeko erabakia emango du eta erreklamazio egileari



Universidad
del País Vasco

Euskal Herriko
Unibertsitatea

jakinaraziko dio.

7. - Azterketak berrikusteko prozesua behin bukatuta, epea irekiko da berrikusitako azterketak ikusteko eskaria egiteko.

1.2. - Aurreko ikasturteetako ikasleak

1.2.1. - Kasuan kasuko ikasturtean unibertsitatera sartzeko indarrean zeuden probak gaindituta izan behar dituzte.

1.2.2. - USNa proba horietan lortutako izango da.

1.2.3. - Onarpen nota hobetzeko, aukera izango du aztergai diren gaietako edozeinetara aurkeztea. USNa hobetzeko, sarbide faseko azterketa guztiak egin beharko ditu, bere garaian egin zituen probei dagozkien Batxilergoko modalitate berean.

1.3. - Goi mailako heziketa zikloetako ikasleak

1.3.1. - Goi mailako heziketa zikloko tituluak unibertsitatera sartzeko eskubidea emango dio ikasleari. USNa zikloko batez besteko nota izango da.

1.3.2. - Onarpen nota hobetzeko, aukera izango du aztergai diren gaietako edozeinetara aurkezteko, lau gehienez, enborreko orokorrak barne. GONa kalkulatzeko era Batxilergoko ikasleentzako bera izango da.

1.3.3. - Lehentasuna izango dute graduaren jakintza adarrarekin lotutako profesioetako heziketa zikloren bat egin duten ikasleak

1.4. - EBko herrialdeetan edo elkarrekikotasun hitzarmena inatua daukaten herrialdeetan egindako ikasketak

1.4.1. - Unibertsitatera sartzeko aukera dute, baldin eta kasuan kasuko herrialdean unibertsitatera sartzeko baldintzak betetzen badituzte.

1.4.2. - USNa UNEDek emandako agirian jasotakoa izango da.

1.4.3. - GONa kalkulatzeko kontuan hartuko da edozein unibertsitatetan egindako USEko onarpen fasea eta/edo UNEDek ziurtatutako proba espezifikoetako kalifikazioak.

1.4.4. - Onarpen-nota hobetzeko, edozein unibertsitatetan egiten den edozein ikasgaitara edo UHUNen Gaitasun Espezifikoko Probetara (GEP) aurkez daitezke berriro.

1.5. - Elkarrekikotasun hitzarmena sinatua ez daukaten herrialdeetan egindako ikasketak



Universidad
del País Vasco

Euskal Herriko
Unibertsitatea

1.5.1. - Batxilergo titulua behin homologatuta, unibertsitatera sartzeko eskubidea daukate.

1.5.2. - UNEDek edo beste unibertsitate batek antolatutako USEra aurkez daitezke. Homologazio agirian agertzen den batxilergoko modalitatera aurkeztuko dira. Ez bada agertzen batxilergoko modalitaterik, nahi duten USEra aurkeztu ahal izango dira.

1.5.3. - Ez badute unibertsitatean sartzeko probarik gainditu, azkenak izango dira graduari ikasleak onartzeko zerrendan.

II. KAPITULUA

UPV/EHUKO GRADUETAN IKASLEAK ONARTZEKO PROZEDURA

2.1. - Lehentasunak Batxilergoaren arabera

Zientzietako Batxilergoak lehentasuna izango du honako graduetan:

Jakintza adarra: Zientziak

- Biokimika eta Biologia Molekularra
- Biologia
- Bioteknologia
- Elikagaien Zientzia eta Teknologia
- Fisika
- Geologia
- Ingurumen Zientziak
- Kimika
- Matematika

Jakintza adarra: Ingeniaritza eta Arkitektura

- Adimen Artifiziala
- Arkitektura Teknikoa
- Automobilgintzaren Ingeniaritza
- Energia Berriztagarrien Ingeniaritza
- Industria Antolakuntzaren Ingeniaritza
- Industria Elektronikaren eta Automatikaren Ingeniaritza
- Industria Kimikaren Ingeniaritza



Universidad
del País Vasco

Euskal Herriko
Unibertsitatea

- Industria Teknologiaren Ingeniaritza
- Ingeniaritza Biomedikoa
- Ingeniaritza Elektrikoa
- Ingeniaritza Elektronikoa
- Informatikaren Ingeniaritza
- Ingeniaritza Kimikoa
- Ingeniaritza Mekanikoa
- Ingeniaritza Zibila
- Ingurumen Ingeniaritza
- Kudeaketaren eta Informazio Sistemen Informatikaren Ingeniaritza
- Telekomunikazio Teknologiaren Ingeniaritza

Gainontzeko graduak ez dute lehentasunezko batxilergorik.

2.2. - Lehentasunak heziketa zikloen arabera

Lehentasuna izango dute graduaren jakintza adarrarekin lotutako profesioetako heziketa zikloren bat egin duten ikasleek.

2.3. - Sarrera notaren eta graduako onarpen notaren kalkulua

2.3.1. Sarrera nota

1. - Unibertsitatera Sartzeko Ebaluazioa (USE) gainditu duten ikasleen kasuan: Unibertsitateko sarrera nota era honetara kalkulatu da:

$$USN = (0,4 \times SFK) + (0,6 \times \text{Batxilergoko batez besteko nota}).$$

SFK: USEko sarbide faseko kalifikazioa.

2. - Honako titulu ofizialen bat daukaten ikasleak: Espainiako Hezkuntza Sistemako Lanbide Heziketako goi mailako teknikariaren titulua, Diseinu eta Arte Plastikoetako goi mailako teknikariaren titulua, edo goi mailako kirol teknikariaren titulua, edo, titulu horien pareko diren titulu, diploma edo ikasketak edo titulu horiekin homologatutako titulua: zikloko batez besteko nota.

3. - Europar Batasuneko estatuetako hezkuntza sistemetatik datozen ikasleak edo arlo honetan aplikagarriak diren nazioarteko elkarrekotasun hitzarmenak dituzten beste estatu batzuetako hezkuntza sistemetatik datozen ikasleak (aurrerantzean Europar Elkartekoak),

Batxilergo titulu, diploma edo ikasketak badituzte edo Europar edo Nazioarteko Batxilergoa badute: UNEDek emandako agirian jasotako nota.

4. - Europar Batasuneko estatuetako hezkuntza sistemetatik datozen ikasleak edo arlo honetan aplikagarriak diren nazioarteko elkarrekotasun hitzarmenak dituzten beste estatu batzuetako hezkuntza sistemetatik datozen ikasleak, baldin eta titulua, diploma edo ikasketak ez badira Espainiako Hezkuntza Sistemako Batxilergoko, Lanbide Heziketako goi mailako teknikariaren, Diseinu eta Arte Plastikoetako goi mailako teknikariaren edo goi mailako kirol teknikariaren tituluren pareko, eta kasuan kasuko hezkuntza sistemako unibertsitateetara sartzeko baldintzak betetzen badituzte: UNEDek emandako agirian jasotako nota.

5. - Espainiako Hezkuntza Sistemako Batxilergo tituluarekin homologatutako titulua, diploma edo ikasketak dituzten ikasleak, Europar Batasunekoak ez diren edo Batxilergo titulua elkarri onartzeko nazioarteko hitzarmenik sinatuta ez duten estatuetako hezkuntza sistemetan lortua edo egina badute (aurrerantzean Europako Elkartetik kanpokoak): UNEDek zehaztutakoa curriculumaz aztertutako ondoren edo batxilergoko titulu homologatuan agertzen dena (*ikus garapena "Plazak esleitzeko era" 2.4. atalean).

6. - Espainiako antzinako Hezkuntza Sistemako Batxilergo ikasita izanik unibertsitatara sartzeko eskubidea lortu zuten ikasleak: garai hartan unibertsitatara sartzeko eskubidea eman zien nota.

7. - Sarrera notak ez du epemugarik izango.

2.3.2. - Gradurako onarpen nota

1. - Era honetara zehaztuko da:

$$GON = USN + C_1 \times M_1 + C_2 \times M_2 + C_3 \times M_3$$

C_1 , C_2 eta C_3 : haztapen koefizienteak; M_1 , M_2 eta M_3 : gaitutako irakasgaien kalifikazioak, UPV/EHUk bere ikasketetan onartua izateko ezarritako haztapen parametroei eta irizpideei jarraituz.

2. - Gaitutako gaiak baino ez dira kontuan hartuko.

3. - Graduari lotutako gaien kalifikazioa era honetara lortuko da:

a) Unibertsitatara Sartzeko Ebaluazioa (USE);

b) Atzerriko ikasketak dituzten ikasleek kasuan, kasuan kasuko herrialdean egindako pareko probetako, UNEDen agiriarekin; edo UNEDen xede horrekin egindako probakoa, baldin eta 5,0 edo hortik gorako kalifikazioa badute.

4. - Gradu bakoitzean graduari loturako gehienez ere hiru gai hartu ahal izango dira kontuan, 0,1etik 0,3ra arteko haztapenarekin.

5. - Gradu bakoitzean Onarpen Nota kalkulatzeko, gradu bakoitzeko haztapenak izango dira kontuan, eta puntuaziorik altuena duena esleitu zaio. Graduetako batek batxilergo



Universidad
del País Vasco

Euskal Herriko
Unibertsitatea

lehenetsia badauka, batxilergo hori izango da lehenetsia gradu bikoitzerako.

6. - Onarpen faseko gaien kalifikazioak bi ikasturterako balio epea izango du, azterketa hauek gainditu direnetik kontatzen hasita.

2.4. - Plazak esleitzeko era

Lehenengo

1. - USEa gainditu duten ikasleak, eta gradurako lehentasuna daukan Batxilergoa egin dutenak.

2. - Graduaren jakintza adarrarekin lotutako profesioetako goi mailako heziketa zikloren bat egin duten ikasleak.

3. - Europako Batxilergo titulua edo nazioarteko Batxilergo titulua duten ikasleak, titulu hori graduan lehentasuna daukan Batxilergo tituluaren pareko bada.

4. - Europako Elkartean atzerriko ikasketak eginak dituzten ikasleak, ikasketa horiek graduan lehentasuna daukan Batxilergo tituluaren pareko badira eta kasuan kasuko herrialdean unibertsitatean sartzeko eskubidea badute.

5. - Europako Elkartean atzerriko ikasketak eginak dituzten ikasleak, ikasketa horiek graduaren jakintza adarrarekin lotutako profesioetako goi mailako heziketa zikloren baten pareko badira eta kasuan kasuko herrialdean unibertsitatean sartzeko eskubidea badute.

Europako Elkartetik kanpoko ikasketak eginak izanik Batxilergoa homologatua daukaten ikasleak, ikasketa horiek graduan lehentasuna daukan Batxilergo tituluaren pareko badira, eta unibertsitatera sartzeko proba gaindituta badute. Proba UNEDen prozesu bidez egitea aukeratuz gero, proba gainditutzat jotzeko, beharrezkoa izango da interesduna aurkeztu izana Gaztelania eta Literatura II, Espainiako Historia, Atzerriko Lehen Hizkuntza II irakasgaietara eta modalitateko beste irakasgai batera: Matematika II edo Latina II edo Gizarte Zientziei Aplikatutako Matematika II edo Artearen Oinarriak I, eta irakasgai horien artean, batez beste, 4,0 puntu lortu izana, eta honako formula hau aplikatzean unibertsitaterako sarrera nota gutxienez 5,0 izatea.

$$USN = 0,4 \times (\text{aipatutako lau irakasgaien batez besteko nota}) + 0,6 \times \text{batxilergo titulu homologatuko nota edo UNEDek ziurtatutako pareko ikasketak.}$$

6. - Espainiako antzinako Hezkuntza Sistemari Batxilergoa ikasita izanik unibertsitatera sartzeko eskubidea lortu zuten ikasleak, eta batxilergo hori graduan lehentasuna daukan batxilergoaren pareko bada.

Bigarrenik

Aurreko egoeraren batean egonik, graduan lehentasunik ez daukan ikasketaren bat duten ikasleak.



Universidad
del País Vasco

Euskal Herriko
Unibertsitatea

Hirugarrenik

Aurreko ataletan zehaztutako baldintzak indarreko ikasturteko ezohiko deialdian bete dituzten ikasleak.

Laugarrenik

1. - Europako Elkartean atzerriko ikasketak eginak dituzten ikasleak, kasuan kasuko herrialdean unibertsitatean zuzenean sartzeko eskubiderik izan gabe.

2. - Europako Elkartean atzerriko ikasketak eginak dituzten ikasleak, Batxilergoa homologatua izanik unibertsitateara sartzeko proba gainditu gabe dutenak.

2.5. - Tituludunen kupoa

Unibertsitateko tituludunak (unibertsitateko lehenengo edo bigarren zikloko, graduako edo masterreko titulua):

Onarpen nota tituluko batez besteko nota izango da (1125/2003 EDaren arabera zehaztua)

Atzerriko titulua daukatenek, tituluaren homologazio egiaztagiria aurkeztu beharko dute.

2.6. - 25 urtetik gorakoan, 45 urtetik gorakoan eta lan esperientzia daukaten 40 urtetik gorakoan kupoa

2.6.1. - 25 urtetik gorakoentzako USPa

Onarpen nota proban lortutako nota izango da.

Lehenik, lehentasuna izango dute proba unibertsitate honetan egin duten hautagaiek; bigarrenik, probako fase espezifikoan graduarekin lotura daukan jakintza adarra aukeratu dutenek.

2.6.2. - 45 urtetik gorakoentzako USPa

Onarpen nota proban lortutako nota izango da.

Hautagaiek unibertsitate honetan egindako sarrera proba izan behar dute gaindituta.

2.6.3. - Lan arloko esperientzia daukaten 40 urtetik gorakoentzako USPa

Onarpen nota balorazioko nota izango da.

Hautagaiek unibertsitate honetan egindako sarrera proba izan behar dute gaindituta.

2.7. - Goi mailako eta errendimendu handiko kirolarien kupoa

Goi mailako eta errendimendu handiko kirolariak: onarpen notaren arabera, sarbide mota



Universidad
del País Vasco

Euskal Herriko
Unibertsitatea

kontuan hartuta. Goi mailako kirolariek lehentasuna izango dute errendimendu handikoen aldean, eta horien artean, 971/2007 EDak zehaztutako lehentasun irizpideak ezarriko dira.

Ohiko deialdian talde honetarako gordetako plazaren bat bete gabe geratuz gero, ezohiko deialdirako gordeko da.

2.8. - % 33ko ezgaitasuna edo hortik gorakoa daukaten pertsonen kupoa

% 33ko desgaitasuna edo handiagoa aitortua duten ikasleentzat eta, desgaitasunarekin lotutako hezkuntza premia berezi iraunkorrak izanik, aurretik erabateko normaltasunarekin eskolatzeko laguntza eta baliabideak behar izan dituzten ikasleentzat: plazen % 5.

Ohiko deialdian talde honetarako gordetako plazaren bat bete gabe geratuz gero, ezohiko deialdirako gordeko da.

3.- Eskuordetzea

1. - Graduako Batzordeari ahalmena ematen zaio prozedura hau garatzeko arau osagarriak eman ditzan eta ikasturtero datak, egutegiak eta eranskinak egunera ditzan, Graduaren eta Hezkuntza Berrikuntzaren arloko errektoreordearen proposamenari jarraituz.

2. – Graduaren eta Hezkuntza Berrikuntzaren arloko errektoreordeari eskuordetzen zaio prozedura hau ezartzean sor daitezkeen gorabeherak interpretatu eta ebazteko ahalmena.